


COVID-19-imut misissortinneq



Nunap inuisa amerlassusaanut tunngatillugu Danmark nunarsuarmi inunnik misissuinerpaat ilarivaat. Tuniluunnerup annikitsuutinnissaa aamma nappaalanerup killilersimaarneqarnissaa pingaaruteqarpoq.

Danmarkimi inuit ersiutillit aamma ersiuteqanngitsut misissortarpavut.

COVID-19-imik ersiutit assersuutitut tassaapput kissarneqarneq, qersorneq, anernikilliorneq, niaqorlunneq nukikkut anniarneq imaluunniit toqusaarlunneq.

Ersiuteqaruit mattusimassaait angerlarsimaannarlutillu

Napparsimasutut misigigit COVID-19-imillu ersiuteqaruit ima iliussaait:

- Angerlarit misissortinnissavillu tungaanut angerlarsimaannarlutit.
- Misissortigit - qanermullu assiaquteqarnissat eqqaamajuk
- Misissortereeruit angerlarit akissutissarsinissavillu tungaanut angerlarsimaannassaait.

Misissortinnissamut piffissamik ima inniminniissaait

Pisuni ukunani coronaprover.dk-mi piffissamik inniminniigit:

- Peqqillutit misigaait nakorsamillu oqaloqateqarnissat pisariaqartinagu kisiannili misissortikkusupputit
- COVID-19-imik sakkukitsunik ersiuteqarputit, nakorsamilli oqaloqateqarnissat pisariaqartinngilat.

Eqqaamajuk coronaprover.dk-mi piffissamik inniminniileruit NemID-it atussagakku.

Pisuni ukunani nakorsarisat imaluunniit 1813 sianerfigiuk:

- COVID-19-imik ersiuteqarputit imalu napparsimasutut misigigaait nakorsamik oqaloqateqarusulutit
- Ernumavutit nalornivutilluunniit
- Meeraq marluk ataallugit ukiulik misissortikkusuppat.

Tunillatsissimasoq qanimut atassuteqarfigisimagukku misissortittariaqassaait. Qanimut atassuteqarfigisartakkt nalinginnaasumik tassaapput najugaqatitit sineqatigisartakkatillu, kisianni aamma suleqatusinnaapput ikinngutitillu qanimut atassuteqarfigisimasait.

Aamma misissortinnissannut qinnuigineqaruit misissortittariaqassaait. Ukununga attuumassutilinnuusi-naavoq: unitsitaanermi, katsorsartinermi misissortinnermiluunniit, imaluunniit assersuutigalugu atuarfinni, inissiaqarfinni suliffinniluunniit tuniluunnerup paasinierneqarnerani.

Misissortinnerup inernera ima pissarsiarissavat

Misissortinnerup inernera pissarsiarinarlugu NemID atorlugu sundhed.dk-mut isissaait.

COVID-19-imik tunillatsissimaguit misissortinneq 'Positiv', 'Formodet positiv'-imik imaluunniit 'Påvist'-imik allaqqassaaq. Tunillatsissimaguit allanik tunillaassuinnnginnissat piniarlugu mattusimanissat pingaaruteqarluinnarpoq.

COVID-19-imik tunillatsissimangikkuit misissortinneq 'Negativ'-imik imaluunniit 'Ikke påvist'-imik allaqqassaaq.

COVID-19 pillugu **coronasmitte.dk**-mi paasisaqarnerugit.

COVID-19 pillugu apeqqutissaqaruit aamma oqartussat ataatsimut hotlineannut 7020 0233-mut sianersinnaavutit.

